

Gyroneuron mirum, gen. et sp. nov. (Hymenoptera, Braconidae).

Auctore


N. Kokujew (Jaroslawl).

(Cum fig).

Gyroneuron, gen. nov.

Rhogadidarum.

Caput transversum, vertice marginato, ore aperto; palpi longi et crassi, maxillares 6-, labiales 4-articulati. Antennae tenues, corpore distincte longiores. Thorax notaulis sternalisque distinctis, angulis posticis metanoti dentiformibus, productis. Alae anticae cellulis cubitalibus tribus, 2^a elongatâ quam 1^a vel 3^a parum brevior, radii abscissâ 2^a primâ multo longior, n. recurrente interstitiali; n. basali (*a*, *b*, *c*) (margine discoidali) medio fracto (*b*), parte infe-



Ala antica *Gyroneuri miri* K o k.

râ (*b*, *c*) crassâ, in
cell. discoidalem 1^{am}
(*I*) arcuatim des-
cendente, cum n.
transverso - ordina-
rio (*c*, *d*) (etiam
incurvo crassoque)
confluente atque
unacum hoc cell.

mediam (*III*) a fronte semicirculatim terminante; cell. mediâ intus

maculâ fuscâ callosâ ornatâ; cell. discoidali 2^a (II) basi emarginatâ, apicem versus angustatâ et n. posteriorem infra medium emittente. Alae posticae ut in gen. *Rhogas* Nees (subgen. *Aleiodes* Thoms.) nervatae. Abdomen elongatum, sessile; suturis 2^a—4^a bene distinctis et crenulatis; segmento 1^o longo, angusto, carinâ mediâ longitudinali instructo, spiraculis segmenti 2ⁱ distinctis, terebrâ breviter exsertâ. Pedes longi et graciles, calcaribus posticis parvis, tarsis tibiis longioribus.

Genus egregium, ob nervorum in alis anticis directionem peculiarem, metanoti angulos posticos denticulatos abdominisque suturas 2^{am}—4^{am} crenulatas facile dignoscendum. Quoad capitis formam et oris structuram generi *Rhogas* Nees simile, palpis tamen nonnihil crassioribus.

Gyroneuron mirum, sp. n.

♀. Capite pone oculos magnos valde angustato, flavo, maculis stemmaticali, occipitali facialique (rectangulari) et fronte totâ fere nigris; ocellis sat magnis; fronte excavatâ, nitidâ; facie utrinque impressâ, medio convexâ, rugulosâ; clypeo laevi, nitido; mandibularum apicibus fuscis; palpis pallidis, sat longe et dense pubescentibus. Antennis flavis, corpore distincte longioribus, tenuibus, pubescentibus, 61-articulatis, scapo flagelli articulo 1^o haud longiore, anello scapo parum angustiore, flagelli articulis 1^o et 2^o aequilongis. Thorace (prothorace flavo excepto) nigro, albo-pubescenti; prothorace producto, parum nitido, sulco transverso lato crenulatoque praedito; mesonoto antrorsum sensim declivi, tenuiter ruguloso-punctato, parum nitido, notaulis haud latis sed profundis tenuiterque crenulatis, lobo medio postice impresso; scutello flavo, nitido, parce punctato; postscutello laevi, nitido, fusco; mesopleuris sat nitidis, punctulatis, alas versus rugulosas, sternalis latis, crenulatis; metathorace fortiter rugoso, metanoto postice declivi, medio carinato, carinâ declivitatem versus furcatâ, furcâ usque ad apicem extensâ; angulis posticis dentiformibus. Alis amplis, hyalinis; anticis fasciâ fuscâ, trientem medium occupante, ornatis; tegulis radicibusque fere nigris; nervis pallidis, partim decoloratis, in fasciâ infuscatis, n. basali et n. transverso-ordinario arcuatis, apicibus nervorum medii analisque et basi nervi analis incrassatis et fuscis; cellulâ mediâ maculâ callosâ virguliformi fuscâ ornatâ; stigmatate lato,

parum infuscato, apicem versus pallidiore. Alis posticis hyalinis, medio latissime infuscatis, nervis ibi distinctis, alioqui decoloratis, solo nervo anali sat infuscato. Abdomine, segmentis dorsalibus 2°—4° nigris exceptis, flavo, capite thoraceque simul sumptis distincte longiore, depresso, usque ad apicem segmenti 2ⁱ dilatato; segmentis omnibus lateribus marginatis, superficie longitudinaliter rugoso-striatâ; segmento 1° carinâ longitudinali parum distinctâ praedito, longitudinem trientis abdominis efficiente, apice quam basi duplo latiore ibique puncto fusco utrinque ornato; segm. 2° primo multo brevior (2/3: 1), fere quadrato, spiraculis distinctis; segm. 3° secundo brevior (2/3: 1), magis convexo et manifeste transverso, angulis posticis (ut in segmentis sequentibus) rotundis; segmentis sequentibus sensim brevioribus tenuiusque sculpturatis, 5° basi parum infuscato; suturis profundis, rectis, solum 3^a medio vix inflexâ; terebrâ pallidâ, rectâ, longitudinem segmenti 6ⁱ aequante. Pedibus longis et gracilibus, pubescentibus, flavis, solum femorum posteriorum apice nigro; metatarso postico articulis 2°—4° simul sumptis aequilongo, articulo 5° tertio brevior. — ♂ ignotus.

Long. corp.: 9 mm., antenn. 12 mm.; alar. ampl. 14 mm.

Hab.: Assam.—Solum specimen (1 ♀), in coll. meâ.
